

ანდრია ჯალმაიძე - გარეჯთან დაკავშირებით ყველაზე მნიშვნელოვანია, რომ პრემიერს შეხვედრა ჰქონდა ბაქოში და მოვიდა საიმედო სიგნალი, იმედი გვაქვს, მოლაპარაკებები სასიკეთოდ გადაწყვეტს სადავო პრობლემას



გარეჯთან დაკავშირებით მნიშვნელოვანია, რომ პრემიერმა შეხვედრა გამართა ბაქოში და საიმედო სიგნალი მოვიდა, - ამის შესახებ საპატრიარქოს საზოგადოებასთან ურთიერთობის სამსახურის ხელმძღვანელმა, დეკანოზმა ანდრია ჯალმაიძემ განაცხადა.

ჯალმაიძის თქმით, იმედი აქვთ, რომ ეს მოლაპარაკებები სასიკეთოდ გადაწყვეტს სადავო პრობლემას.

„ყველაზე მნიშვნელოვანი გარეჯთან დაკავშირებით არის ის, რომ პრემიერ-მინისტრს შეხვედრა ჰქონდა ბაქოში და მოვიდა საიმედო სიგნალი, იმედით ვუყურებთ, რომ ეს მოლაპარაკებები სასიკეთოდ გადანწყვეტს სადავო პრობლემას, რომელიც ყველას გვანუხებს“, – განაცხადა ანდრია ჯალმაიძემ.

ჯალმაიძის განმარტებით, იმედიანი განწყობა პრემიერის განცხადებიდან გამომდინარე აქვს.

„პრემიერმა თქვა, რომ ძმურად და სამართლიანად გადანწყდება, ეს მოიტანა ამ დიალოგმა და კონკრეტულ შედეგებს დაველოდებით“, – აღნიშნა ანდრია ჯალმაიძემ.

საქართველოს პრემიერ-მინისტრმა ირაკლი ღარიბაშვილმა გუშინ აზერბაიჯანის რესპუბლიკაში ვიზიტის შეჯამებისას განაცხადა, რომ აზერბაიჯანის პრეზიდენტ ილჰამ ალიევთან შეხვედრაზე განიხილეს დავით გარეჯის საკითხიც და შეთანხმდნენ, რომ დიალოგი დაჩქარდება და მალე გადანწყდება ისე, როგორც საქართველო-აზერბაიჯანის მეგობრობას შეეფერება.

1tv.ge